

Izjava OHR-a na konferenciji za medije međunarodnih organizacija

Poruka političkim liderima u BiH od Visokog predstavnika:

“Narednih nekoliko sati i dana biće od krucijalnog značaja za budućnost BiH.

Vijeće međunarodne zajednice za implementaciju mira zasjedaće u Sarajevu tokom naredna dva dana. Ono će izvršiti procjenu da li se BiH ozbiljno kreće putem reformi. Vijeće će posebno biti informirano o pomacima, odnosno nepostojanju pomaka, u procesu reforme odbrane, te će o tome izvjestiti Vašington, Brisel, London, Pariz, Berlin, Moskvu i ostale prijestonice zemalja članica Vijeća.

Međutim, ovdje se ne radi samo o kredibilitetu BiH.

Ukoliko vi, lideri u BiH, prihvatite prijedloge Komisije za reformu u oblasti odbrane, otvorit ćete vrata za BiH da postane vjerodostojan kandidat za NATO-ov program Partnerstvo za mir. Ukoliko odbacite ove prijedloge za reformu, ovu zemlju ćete unazaditi za možda nekoliko godina. Izbor je vaš. Ja ovo ne mogu uraditi za vas. BiH ne može ući u NATO ili Evropu kroz Ured visokog predstavnika.

Da ponovim još jednom: bilo bi tragično za BiH ako odbaci ovu historijsku priliku da se pridruži NATO-ovom programu Partnerstva za mir. Ja sam čvrsto uvjeren da članstvo, prvo u Partnerstvu za mir, a onda i u NATO-u, pruža najbolju moguću šansu za trajan mir i sigurnost za građane ove zemlje. Nije pretjerivanje reći da budućnost djece u Bosni i Hercegovini ovisi o odlukama koje ćete donijeti u narednim satima i danima.

Možda imate izvjesne zabrinutosti u vezi sa ovim prijedlozima. Možda želite dodatna pojašnjenja. U tom slučaju, dozvolimo Komisiji da obavi svoj zadatak tako da se ovi prijedlozi mogu razmotriti u demokratskim institucijama ove zemlje, u vladama i parlamentima. Ako imate zabrinutosti, moja poruka je sljedeća: imajte vjere u demokratski proces. Dajte šansu parlamentu.

Na kraju želim da vam svima uputim apel: razmislite o kakvom se ulogu ovdje rade; razmotrite koju cijenu će BiH morati da plati ako ne podržite reforme; i napravite pravi izbor, u interesu BiH i u interesu svih njenih građana”.